

სტიქიის შედეგად დაზარალებულ მოსახლეობას მთავრობა ეხმარება

19 მაისი 2016

საქართველოს მთავრობის გადანაცვებით, მიმდინარე წლის მაისში შიდა ქართლის რეგიონში მომხდარი სტიქიის შედეგად დაზარალებული მოსახლეობა დღეიდან სასოფლო-სამეურნეო პრეპარატების მიღებას შეძლებს.

აღნიშნულთან დაკავშირებით ქ.გორში, სოფლის მეურნეობის მინისტრის მოადგილე გოჩა ცოფურიშვილი და შიდა ქართლის მხარის რწმუნებულის მოვალეობის შემსრულებელი იოსებ ოქრომელიძე მოსახლეობას შეხვდნენ. შეხვედრას აგრეთვე ესწრებოდა გუბერნატორის მოადგილე ამირან შავშიშვილი, რომელმაც შიდა ქართლის მოსახლეობას აგროდაზღვევის სახელმწიფო პროგრამაში ჩართვისკენ მოუწოდა.

შეხვედრაზე მთავრობის წარმომადგენლებმა ყურადღება გაამახვილეს სასოფლო-სამეურნეო პრეპარატების მნიშვნელობაზე, რითაც შესაძლებელი იქნება მრავალწლოვანი ნარგავების აღდგენისათვის საჭირო აგროტექნოლოგიური სამუშაოების ჩატარება.

ფერმერებს პრეპარატების მიღება აგრობარათებზე დარიცხული აგრო ქულების საშუალებით შესაბამის მუნიციპალიტეტში მდებარე სასოფლო-სამეურნეო ყველა იმ მაღაზიაში შეეძლებათ, რომლებიც მცირემიწიან ფერმერთა ხელშეწყობის პროგრამაში არიან ჩართულნი.